



SAMNINGUR UM LANDSMÓT HESTAMANNA
Á FÉLAGSSVÆÐI FÁKS Í VÍÐIDAL
DAGANA 1. JÚLÍ – 8. JÚLÍ 2018

Samningur um Landsmót hestamanna 2018 á Félagssvæði Fáks í Víðidal dagana 1. júlí – 8. júlí 2018

Landsmót hestamanna ehf. (hér eftir nefnt LM), kt. 501100-2690, Engjavegi 6 í Reykjavík, og LM2018 ehf., kt. 540116-0670, Vatnsendavegi í Reykjavík, (hér eftir nefnt FÁ) gera með sér eftirfarandi samning um mótsvald Landsmóts hestamanna á félagssvæði Hestamannafélagsins Fáks í Víðidal dagana 1. júlí – 8. júlí 2018 (hér eftir nefnt LM2018), LM og FÁ verða hér eftir sameiginlega nefnd aðilarnir.

LM er í eigu Bændasamtaka Íslands, kt. 631294-2279, Bændahöllinni við Hagatorg, (hér eftir nefnd BlÍ) og Landssambands hestamannafélaga, kt. 710169-3579, Engjavegi 6 í Reykjavík, (hér eftir nefnt LH). FÁ er félag í eigu Hestamannafélagsins Fáks, kt. 520169-2969, Vatnsendavegi í Reykjavík (hér eftir nefnt HF).

Stjórn LH velur og ákveður landsmótsstað hverju sinni að höfðu samráði við LM, sbr. gr. 6.1. laga LH. Stjórn LH ákvað á fundi sínum í desember 2014 að ganga til samningaviðræðna við HF um LM2018 í Víðidal. Þann 19. desember 2014 skrifuðu LH, HF og Dagur B. Eggertsson borgarstjóri Reykjavíkur undir viljayfirlýsingum um LM2018 í Víðidal.

LM og FÁ eru sammála um að vinna sameiginlega að því og af fullum heilindum að halda Landsmót hestamanna 2018 í Víðidal 1. júlí – 8. júlí 2018. LM og FÁ eru sammála um að hafa til hliðsjónar fjárhagslega hagkvæmni, félagslegt réttlæti og samfélagslega ábyrgð.

A. Réttur til þess að halda LM2018

1. gr.

Veiting réttar til þess að halda LM2018

Með samningi þessu veitir LM, FÁ rétt til þess að halda Landsmót hestamanna í Víðidal sumarið 2018. Í þessu felst að FÁ sér um og ber ábyrgð á rekstri LM2018. Þessi réttur miðast við að LM2018 verði haldið í Víðidal.

FÁ greiðir LM fyrir réttinn sem nemur 10% af söluandvirði fyrir hvern seldan miða, eins og nánar er tilgreint í 31. gr. en þó að lágmarki kr. 11.500.000,- og að hámarki kr. 15.000.000,-. Ef mótið fellur niður vegna sérstakra aðstaðna fallagreiðslur niður.

FÁ mun notast við viðurkenndan aðila miðasölukerfis.

FÁ mun afhenda LM alls 20 aðgöngumiða á LM2018.

B. Mótssvæðið

2. gr.

Almennt

LM gerir ákveðnar kröfur um aðbúnað móttssvæðisins, aðstöðu fyrir gesti, keppendur o.fl. Rétti til þess að halda LM2018 fylgja þær skyldur sem nánar er fjallað um í þessum samningi.

Mótssvæðið skal vera þannig að þar sé hægt að taka á móti allt að 12.500 gestum og allt að 1.200 hrossum. Skal móttssvæðið og aðgengi að því taka mið af þessu og þeim almennu kröfum sem opinberir aðilar gera.

3. gr.

Uppdráttur af svæði

FÁ leggur til móttssvæðið, í samræmi við meðfylgjandi uppdrátt, merktur sem fylgiskjal A. FÁ mun skila LM fullkláruðum og hnituðum uppdrætti að svæðinu eigi síðar en 1. maí 2017.

Uppdrátturinn skal hnitaður og unninn af viðurkenndum aðila. Á uppdráttinn skal m.a. en ekki eingöngu merkja og afmarka sérstaklega móttssvæðið sem slíkt, akvegi, reiðleiðir, girðingar, upphitunarbrautir, hringvelli, sýningarbraut, neyðarleiðir, dómpall, dómaraaðstöðu, áhorfendasvæði, þ.m.t. svæði fyrir snyrtingar, salernisaðstöðu, þjónustu- og markaðssvæði, bíla-, kerru-, og gámastæði, tjaldsvæði, hjólhýsa- og tjaldvagnastæði, rafmagnstengla, spennistöðvar, aðstöðu fyrir hestamannafélög og keppendur, skrifstofuaðstöðu, fjölmíðlaaðstöðu, barnagarð, vatnslagnir og rafmagnslagnir.

Uppdrátturinn skal unninn í samráði við LM. LM og FÁ skulu samþykkja framangreindan uppdrátt með undirritun sinni á hann. Komi til breytinga á uppdrætti eftir framlagningu hans þann 1. maí 2017 skulu báðir samningsaðilar vera ásáttir um þær breytingar og samþykkja þær sérstaklega með undirritun sinni á nýjan uppdrátt.

4. gr.

Afmörkun móttssvæðis

Afmörkun svæðis er skilgreind á uppdrætti á fylgiskjali merktu A.

5. gr.

Keppnis- og sýningarvellir

Á móttssvæðinu skulu vera upphitunarbrautir keppnis- og sýningarhrossa, hringvellir, (aðalvöllur, upphitunarvöllur) ásamt sýningarbraut fyrir kynbótahross og kappreiðabraud. Keppnisvellir skulu uppfylla þær kröfur sem gerðar eru skv. lögum LH vegna þeirra keppna sem fara fram á LM2018. Þá skulu sýningarvellir uppfylla kröfur reglna Bí um kynbótasýningar, sbr. 2. tölul. viðauka við reglugerð nr. 442/2011, um uppruna og ræktun íslenska hestsins.

Viðurkennt efni skal vera á yfirborði allra valla og upphitunarsvæði.

Allir vellir skulu undirbúnir í samráði við mannvirkjanefnd LH. Umsjón valla og kostnaður vegna viðhalds á þeim í aðdraganda LM2018 og á meðan á mótinu stendur skal alfarið vera í höndum FÁ.

6. gr.

Stjórnstöð LM2018 og aðstaða fyrir fjölmiðla

FÁ skal útvega skrifstofuaðstöðu á móttssvæðinu fyrir stjórnstöð LM2018 sem og skrifstofuaðstöðu fyrir fjölmiðla.

7. gr.

Aðstaða dómara

FÁ skal sjá til þess að við alla velli verði dómpallur og dómaraaðstaða fyrir þuli og starfsmenn eftir því sem þörf er á. Þá skal gera ráð fyrir að koma þurfi fyrir sérstakri stjórnstöð dómara. Í stjórnstöð dómara skulu vera 10 ampera rafmagnstengingar og ljósleiðaratenging. Þá skal vinnuaðstaða dómara vera viðunandi að mati LM.

8. gr.

Gæsla

Öll gæsla, þ.m.t. öryggis- og löggæsla og vakt heilbrigðisstarfsfólks, á móttssvæðinu á LM2018 verður á hendi FÁ. FÁ skal sjá um alla samninga um gæslu við og á móttssvæðinu eins og það er skilgreint í fylgiskjali A. Umfang gæslu skal miðast við þarfagreiningu og tímaáætlun sem verkefnisstjórn LM2018 vinnur eða lætur vinna og skal hún liggja fyrir eigi síðar en 1. nóvember 2017. FÁ skal sjá til þess að á móttssvæðinu verði aðstaða fyrir starfsmenn sem sinna öryggis- og löggæslu og vakt heilbrigðisstarfsfólks á LM2018.

9. gr.

Áhorfendasvæði

Áhorfendasvæði við velli skulu taka mið af heildarfjölda gesta á LM2018, samtals 12.500 gestum. Gert er ráð fyrir að áhorfendasvæði verði á mönum við velli og skulu þau auðkennd á uppdrætti á fylgiskjali merktu A.

10. gr.

Akvegir og umferðarstjórnunaráætlun

Alla akvegi skal auðkenna á uppdrætti á fylgiskjali merktu A. FÁ skal bera ábyrgð á að akvegir innan móttssvæðis verði rykbundnir, eftir því sem það getur átt við.

FÁ skal láta viðurkenndan aðila, t.d. Vegagerðina, lögreglu eða verkfræðistofu, vinna umferðarstjórnunaráætlun fyrir LM2018. Umferðarstjórnunaráætlunin skal fjalla um akandi og gangandi umferð gesta, keppenda, m.t.t. staðsetningar bílastæða, tjaldstæða, áhorfendasvæða, markaðssvæðis o.p.h. til og frá móttssvæðinu og innan þess. Umferðarstjórnunaráætlun skal miða að því að gestir, starfsmenn LM2018, keppendur, hross, þjónustuaðilar og viðbragðsaðilar hafi góðan og greiðan aðgang að móttssvæðinu og að umferð innan móttssvæðisins gangi vandræðalaust fyrir sig og að umferðarhnútar myndist ekki. Þessi umferðarstjórnunaráætlun skal liggja fyrir eigi síðar en 1. nóvember 2017.



11. gr.

Neyðarleið

Á uppdrætti skal sérstaklega merkja neyðarleið fyrir sjúkrabíla og aðra viðbragðsaðila. Jafnframt skal skilgreina á uppdrætti aðstöðu löggæslu og almennrar gæslu.

12. gr.

Hreinlæti og salernisaðstaða

FÁ sér um öll hreinlætis- og salernismál á móttssvæðinu sem skulu fullnægja kröfum heilbrigðisyfirvalda með hliðsjón af reglum um útisamkomur og þeim fjölda gesta sem samningur þessi tekur mið af, þ.e. allt að 12.500 manns. Salerni og sorpstöðvar skulu merktar inn á upprátt á fylgiskjali merktu A. FÁ skal sjá til þess að móttssvæðið sé snyrtilegt á meðan á móti stendur.

Gert skal ráð fyrir að endurvinnanlegum umbúðum, s.s. flöskum og dósum, verði safnað í sérstök íflát. FÁ eða aðili á þeirra vegum skal njóta góðs af skilagjaldi umbúðanna.

Fjöldi salerna og sorpstöðva skal vera í samræmi við þarfagreiningu sem verkefnisstjórn LM2018 lætur vinna og skal hún liggja fyrir eigi síðar en 1. nóvember 2017.

13. gr.

Vatn

FÁ skal sjá til þess að nægjanlegt drykkjarhæft vatn verði til staðar á móttssvæðinu, þ.m.t. á tjald-, hjólhýsa- og tjaldvagnastæðum.

14. gr.

Bjónustu- og markaðssvæði

FÁ skal sjá til þess að á móttssvæðinu verði sérstakt markaðs- og bjónustusvæði og skal það auðkennt á upprætti á fylgiskjali merktu A og stærð þess tilgreind. Stærð bjónustu- og markaðssvæðis skal vera í samræmi við það sem nauðsynlegt þykir. Nauðsynlegar lagnir skulu vera til staðar á því svæði. Gera skal ráð fyrir því að á svæðinu verði hægt að bjóða upp á veitingar. Svæðið skal vera snyrtilegt og gera þarf ráð fyrir rúmu gámasvæði nálægt því fyrir bjónustuaðila. Svæðið skal uppfylla reglur heilbrigðiseftirlits og vinnueftirlits.

15. gr.

Rafmagn og internetsamband

FÁ skal sjá til þess að raforkuþörf vegna LM2018 verði fullnægt, þ.m.t. fyrir veitingaaðila, starfsmenn, markaðssvæði, áhorfendasvæði, keppnis- og sýningarvelli, dómaraaðstöðu o.fl. Miða skal við að hjólhýsastæði þurfi 630 kílovolt, veitinga- og markaðssvæði 630 kílovolt en önnur raforkuþörf er a.m.k. 200 kílovolt. Heildarraforkuþörf er þannig a.m.k. 1.460 kílovolt. Staðsetning spennistöðva skal merkt inn á upprátt á fylgiskjali merktu A.

FÁ skal sjá til þess að fullkomin ljósleiðaratenging verði á svæðinu. Ljósleiðaratengingu þarf a.m.k. inn í stjórnstöð dómara, stjórnstöð LM2018 og útsendingarbifreið.

16. gr.

Aðstaða fyrir hross

Tilgreina skal á upprætti á fylgiskjali merktu A, hvar aðstaða fyrir hross er staðsett og hversu mörg hross komast þar fyrir. Verkefnisstjórn LM2018 skal halda skrá utan um laus hesthúsapláss á og nálægt svæðinu og skal aðstoða þá sem sækjast eftir plássi fyrir hest meðan á LM2018 stendur. Verkefnisstjórn LM2018 skal útbúa samningsform vegna leigu á aðstöðu fyrir hross á meðan LM2018 stendur.

17. gr.

Bíla-, kerru- og gámastæði

Tilgreina skal á uppdrætti á fylgiskjali merktu A, hvar bílastæði fyrir mótgæsti og starfsmenn eru, stæði fyrir flutningabíla og hestakerrur, gámasvæði fyrir LM og þjónustuaðila. Bílastæði skulu vera næg og afmörkuð og merkt með greinilegum hætti. Skilgreina skal bílastæði fyrir fatlaða á uppdrættinum. Stærð þessara svæða skal skilgreind á uppdrættinum.

18. gr.

Merkingar

FÁ skal koma fyrir merkingum á móttssvæðinu, þ.m.t. umferðarmerkingum og leiðbeinandi merkjum fyrir gesti, keppendur, þjónustuaðila og aðra.

19. gr.

Tjaldstæði

FÁ skal sjá til þess að til staðar verði afmörkuð tjaldsvæði og skulu þau merkt á uppdrátt á fylgiskjali merktu A. Stærð svæðisins skal skilgreind á uppdrættinum.

Þá skulu sérstaklega afmarkað svæði fyrir húsbíla, fellihýsi og tjaldvagna. Á þessu stæði skal að auki vera aðgangur að rafmagni. Á þessu svæði skal miða við að hægt verði að vera með um 300 rafmagnstengla fyrir húsbíla, fellihýsi og tjaldvagna. Stærð svæðisins skal skilgreind á uppdrættinum.

Þá skal á uppdrætti á fylgiskjali merktu A afmarka sérstaklega tjaldbúðir og aðstöðu fyrir hestamannafélög og keppendur. Stærð svæðisins skal skilgreind á uppdrættinum.

Á öllum framangreindum svæðum skal vera rennandi drykkjarvatn úr krönum og vaskaborðum eftir þörfum. Þá skal á síðastnefnda svæðinu vera aðgengi að brynningarvatni.

20. gr.

Barnagarður

FÁ skal sjá til þess að til staðar verði afmarkað afgirt leiksvæði fyrir börn og skal það merkt á uppdrátt á fylgiskjali merktu A. FÁ skal annast starfrækslu leiksvæðisins.

C. Framkvæmdir, mótsstjórn og verkefnisstjórn LM2018

21. gr.

Framkvæmdir

Öllum nauðsynlegum framkvæmdum við velli og áhorfendasvæði skal vera lokið fyrir 1. desember 2017. Framkvæmdir við velli og áhorfendasvæði skulu hefjast eigi síðar en sumarið 2017 þar sem nauðsynlegt er að efni fái nægan tíma til þess að setjast og þökur fái að binda sig.

Öllum öðrum stórum framkvæmdaliðum, s.s. vegna jarðvinnu og akvega o.p.h. skal lokið fyrir 1. júlí 2018. Öllum frámkvæmdum skal lokið eigi síðar en 15. júní 2018 og skal þá móttssvæðið komið í umsamið ásigkomulag. Skal þá fara fram úttekt mannvirkjanefndar LH og LM.

Gert er ráð fyrir að fram fari úttektir LM á frámkvæmdum sem kunna eiga sér stað á móttssvæðinu verði með reglubundnum hætti á meðan frámkvæmdatíma stendur.

**22. gr.
Mótsstjórn**

FÁ skipar mótsstjórn. Í henni sitja fulltrúi frá LM, fulltrúi frá knöpum, vallastjóri, framkvæmdastjóri, mótsstjóri, yfirdómari í gæðingakeppni og hrossaraektarráðunautur Ráðgjafarmiðstöðvar landbúnaðarins ehf.

**23. gr.
Verkefnisstjórn LM2018**

Samkvæmt viljayfirlýsingum um LM2018, dags. 19. desember 2014, skal koma á fót verkefnisstjórn fyrir árslok 2015, til að undirbúa og fjalla um verklegar framkvæmdir á móttssvæðinu, samvinnu aðila, sameiginleg hagsmunamál og markaðssetningu LM2018. FÁ skipar verkefnisstjórnina og m.a. munu eiga þar sæti einn fulltrúi frá LM, fulltrúar frá FÁ (m.a. mótsstjóri og framkvæmdastjóri LM2018) og einn fulltrúi Reykjavíkurborgar. Verkefnisstjórnin skal funda eftir því sem þurfa þykir og stjórnarmenn geta kallað eftir fundi. Formaður verkefnisstjórnarinnar er fulltrúi FÁ og hann boðar til funda.

D. Markaðssetning og þjónustu- og markaðssvæði

**24. gr.
Markaðssetning**

Stjórn og starfsfólk LM, Bí og LH mun leggja sig fram við að kynna almennt mótið. LM skal eftir atvikum markaðsetja mótið í samvinnu við Íslandsstofu. FÁ mun vinna með Íslandsstofu og gera samning um markaðssetingu á mótinu og að veita Íslandsstofu aðstöðu á LM2018. FÁ hefur í samvinnu við LM umsjón yfir www.landsmot.is frá og með 1. september 2016 til 1. september 2018. FÁ stendur straum af þeim kostnaði sem til fellur vegna heimasíðu LM á þessu tímabili.

Taka þarf tillit til þeirra styrktaraðila sem eru með langtímasamning við LM (t.d VÍS). Aðkoma styrktaraðila LM þarf að vinna í samvinnu við FÁ og kynna óskir eigi síðar en 8 mánuðum áður en mótið hefst.

**25. gr.
Einkaréttur á allri sölu**

FÁ hefur einkarétt á allri sölu veitinga, varnings og þjónustu, hvaða nafni sem hún nefnist, á öllu móttssvæðinu. FÁ mun, eftir því sem við getur átt og eftir fremsta megni, beita sér fyrir því að framboð á vöru og þjónustu verði sem fjölbreyttast.

**26. gr.
Dómgaæsla**

Dómgaæsla í gæðingakeppni skal vera með því fyrirkomulagi að tveir dómarar dæmi saman sem par, en ekki dómarí og ritari. Gæðingadómarar eru alls 12 talsins að meðtoldum einum varadómara og einum yfirdómara. Eftirlitsdómari verður ráðinn og kostaður af LH. Dómarar eru ráðnir til mótsins samkvæmt lögum LH og kjör dómarara verða samkvæmt samningi GDLH og FÁ.

E. Fagleg stjórn LM2018 og sjónvarpsupptökur

27. gr.

Fagleg stjórn LM2018

Fagleg stjórn LM2018 skal vera í höndum mótsstjórnar, sbr. 22. gr., þ.e.a.s. stjórn keppni og sýninga, dómarastörf, samskipti við hestamannafélög o.þ.h.

28. gr.

Sjónvarpsupptökur

FÁ hefur einkarétt á sjónvarpsútsendingum og netstreymi frá LM2018 á meðan að móti stendur. LM er á hinn bóginn eigandi að upptökum og hefur einkarétt á sýningum og sölu á myndefni frá LM2018 eftir að mótinu lýkur. FÁ ber ábyrgð á öllum kostnaði í tengslum við framangreint og heldur öllum tekjum vegna sýninga og streymis frá mótinu á meðan á því stendur.

F. Sjálfboðaliðastarf

29. gr.

Sjálfboðaliðastarf

LM og FÁ skulu sameiginlega vinna að því að tryggja öflugt sjálfboðaliðastarf á LM2018. LM og FÁ skulu koma sér saman um með hvaða hætti skuli staðið að skipulagningu sjálfboðaliðastarfs á LM2018. Um skipulagningu sjálfboðaliðastarfs á LM2018 skal fjallað sértaklega í verkefnisstjórn LM2018.

G. Skemmtidagskrá og afþreying

30. gr.

Skemmtidagskrá og afþreying

FÁ ber ábyrgð á allri skemmtidagskrá og afþreyingu á móttssvæðinu, m.a. tónlistaratriði, tónleika og afþreyingu fyrir mótgesti.

H. Fjármál o.fl.

31. gr.

Greiðsla fyrir rétt til þess að halda LM2018

Eins og um var fjallað í 1. gr. samningsins veitir LM FÁ rétt til þess að halda Landsmót hestamanna í Víðidal sumarið 2018. Í þessu felst að FÁ sér um og ber ábyrgð á rekstri LM2018. Þessi réttur miðast við að LM2018 verði haldið í Víðidal, Reykjavík.

Greiðslur þessar skulu inntar af hendi sem hér segir.

- 15. apríl 2018 kr. 5.000.000,-.
- 1. september 2018, eftirstöðvar af greiðslum skv. samningi þessum.

32. gr.

Framkvæmda- og rekstraráætlun

FÁ skal kynna LM framkvæmda- og rekstraráætlun vegna LM2018 eigi síðar en 1. október 2016.

33. gr.

Landsmótssjóður

LH og LM ber ábyrgð á að sækja um styrkveitingu frá ríki, af óskiptum liðum menningarmála fyrir árin 2017 og 2018. Mennta- og menningarmálaráðuneyti mun þá úthluta styrkjum til verkefna er stuðla að faglegri uppbyggingu á sviði menningarmála. Styrkirnir skulu allir renna óskiptir til FÁ og skulu þeir fara óskiptir í framkvæmdir á móttssvæðinu eigi síðar en 3 vikum eftir greiðslu til LH. LH getur ekki ábyrgst að styrkir samkvæmt framangreindu fáist til verkefnisins enda er styrkveitingin sem slík í höndum mennta- og menningarmálaráðherra.

I. Uppsögn samnings

34. gr.

Einhliða og fyrirvaralaus uppsögn

Við eftirtaldar aðstæður er LM heimilt að segja upp samningnum einhliða, fyrirvaralaust og bótalaust.

- Ef FÁ hefur ekki uppfyllt skyldur sínar um ástand svæðisins fyrir tilgreind tímamörk, sbr. B. kafla þessa samnings.
- Ef um er að ræða breytingar á eignaraðild í FÁ, þannig að geta félagsins til að uppfylla skyldur sínar samkvæmt ákvæðum samningsins minnkar verulega að mati LM.
- Ef fjárhagssstaða FÁ breytist verulega þannig að geta félagsins til að uppfylla skyldur sínar samkvæmt ákvæðum samningsins minnkar verulega að mati LM.
- Ef fjárnám verður gert hjá FÁ, komi fram ósk um gjaldþrotaskipti á búi félagsins, það leiti nauðasamninga eða eignir þess auglýstar á nauðungaruppboði.

J. Önnur ákvæði

35. gr.

Breytingar á samningnum og tilkynningar milli aðila samningsins

Allar beiðnir um breytingar á samningnum, svo og breytingarnar sjálfar ef til koma, skulu vera skriflegar.

Allar tilkynningar og beiðnir í tengslum við samninginn skulu vera skriflegar (bréf eða tölvupóstur).

36. gr.

Eintök samnings og undirritun

Samningur þessi er alls 10 blaðsíður, að forsíðu og undirritunarsíðu meðtöldum, og er gerður í tveimur samhljóða frumritum fyrir hvorn aðila.

Sérstök undirritunarsíða fylgir.

Reykjavík, 22. Janúar 2016,

Jóna Þóris magal.

F.h. Landsmóts hestamanna ehf.

Landsármálaþáttur

F.h. Landsmóts ehf.

Guðrún Ólafsson

F.h. Bændasamtaka Íslands

Hólmur Þorsteinn

F.h. Hestamannafélagsins Fáks

Hedrað Karlssdóttir

F.h. Hestamannafélagsins Fáks

Magnús Guðmundsson

F.h. LM2018 ehf.

Vottar:

D. Egil 190672-5739

Nafn

Kt.

dahur þórðsson 031277-3619

Nafn

Kt.

Fylgiskjal A

Mælkkvarði

Fákur í Elliðaárdal
Landsmót í Reykjavík 2012
Svæðisnýting - tiltegna



Dags: 10 feb 2010
Dagný Bjarnadóttir

